

尚書今古文注疏

金縢第十三 周書四 尚書今古文注疏卷十三

賜進士及第授通奉大夫山東督糧道加三級孫星衍撰

說

書序云周公作金縢史記魯周公世家載其文又云

周公奉王命與師東伐作大誥又云寧淮夷東土二年而畢定是以周公居東二年為伐叛非避居也又云唐叔得禾成王命唐叔以餽周公于東土作餽禾周公既受命禾嘉天子之命作嘉禾平云東土以集周公歸報成王乃為詩貽王命之曰鴟鴞王亦未敢訓周公案金縢篇中有公乃為詩以貽王命之曰鴟鴞等詞是金縢作于大誥歸禾嘉禾之後今篇次在前者以禱疾事在二年也史記又載成王病周公祝神藏策成王用事周公被謫奔楚成王發府見禱書反周公是非因天變開金縢又載周公卒後乃有暴風雷雨命魯郊祭之事是經文秋大熟已下必非金縢之文孔子見百篇之書而序稱周公作金縢周公不應自言死後之事此篇經文當止于王翼日乃瘳或史臣附記其事亦止于王亦

未敢誦公也其秋大熟已下考之書序有成王告周公作薄姑則是其逸文後人見其詞有以啓金縢之書乃以屬于金縢耳說詳後疏但馬鄭曾見孔壁古文不爲別白者馬鄭所守衛宏賈逵古文說又與史公之問故孔氏安國者不同經文傳之既久不可收易仍爲一篇分行以別之通經碩儒以爲然否

既克商二年

疏

此爲武王十三年詩幽譜疏引鄭注云

武王于文王崩後六年伐紂後二年有疾則此爲武王之十五年也史記集解引皇甫謐曰武王元年歲在乙酉則此年歲在丙戌也蓋王有疾弗豫史遷弗作不

豫一作愈

疏

曲禮疏引白虎通曰天子病曰不豫言不復豫政也今本白虎通脫文史公爲不豫

者書序武王有疾釋文云馬本作有疾不豫論衡死僞篇後漢禮儀志皆引作不豫與史公同也豫說文作愈云喜也引此經釋文云豫二公曰我其爲王穆卜周公本又作杼案杼非古字

曰未可以戚我先王

注

史遷說太公召公乃繆卜繆一

作睦鄭康成曰二公欲就文王廟卜戚憂也未可憂怖

我先王也周公既內知武王有九齡之命又有文王曰

吾與爾三之期今必瘳不以此終故止二公之下

疏

繆

釋詁云穆穆敬也單言亦爲敬一切經音義引作睦並引孔傳云睦敬也睦音近穆蓋正義已前本說文睦一曰敬和也史記司馬相如傳改睦睦漢書作穆穆史公穆作繆者集解引徐廣曰古書穆字多作繆鄭注見史記集解及書疏云二公欲就文王廟卜者尚書多土云乃穆考文王周家世次文王爲穆武王爲昭也戚爲憂者詩傳云戚憂也怖者說文怖惶也或作怖言未可憂怖我先王者入廟當行吉禮未可以疾病請禱當於壇也云周公既內知文王有九齡之命云云者見文王世子載其事云今必瘳不以此終者書疏引鄭志云弟

子趙商問曰若武王未終疾固當謬信命之終雖請不得自古以來何患不爲鄭荅曰君父疾病方困忠臣孝子不忍默爾觀其歌獻歸其命于天中心惻然爲之請命周公達于此義著在尙書若君父之病不爲請命豈忠孝之志也案周公欲自薦請代故止二公之卜疑戚爲近未可以戚我先王謂此大事未可僅禱於考廟當并禱太王王季子壇公乃自以爲功注史遷功作質爲耳不應如鄭說也

三壇同壇爲壇于南方北面周公立焉注馬融曰壇土

堂鄭康成曰時爲壇壇於豐壇壇之處猶存焉疏功者

云功質成也功與質同訓壇者說文云祭場也壇者詩傳云除地町町者蓋既除地爲壇又加三壇其上鄭注祭法云封土曰壇除地曰壇引此文史公功爲質者質語云沈璧以質注云質信也沈璧以自誓爲信白以爲質者以身爲質也馬注見釋文云壇土堂者公羊註土三年傳莊公升壇注土基三尺土階三等曰壇注見

書疏云時爲壇墠於豐地理志郭豐
水出縣東南今爲陝西長安縣地

植璧秉珪

注

史遷

植作戴珪作圭鄭康成曰植古置字

疏

周禮大宗伯以

天地四方注云謂始告神時薦於神坐書曰周公植璧
秉珪是也秉者釋詁云執也言植璧於神前秉珪於手
史公植作戴者戴亦植也鄭注喪大記云戴之言植植
與值通易林需之无妄又作戴月令釋文戴本作戴是
戴亦通戴圭爲珪者說文圭古文作珪鄭注見書疏云
植爲古置字者熹平石經論語置其杖而芸今作植說
文植重文作權故

乃告太王王季文王史乃冊祝曰惟

知權置爲古字

爾元孫某遘厲虐疾

注

史遷冊作策某作王發遘厲虐

疾作勤勞阻疾阻一作淹鄭康成曰策周公所作謂簡
書也祝者讀此簡書以告三王諱之者由成王諱之也

疏

史佚也洛誥云作冊逸誥逸卽史佚冊說文有晉

者說文云祭主贊詞者武王于太王爲會孫此稱元孫者猶召誥云元子邁者易彖傳云遇也厲者釋名云疾厲氣致惡疾史公冊作策者策與冊經典通字聘禮云百名以上書於策不及百名書於方注云名書文今謂之字策簡也方板也疏云簡者未編之稱策是衆簡相連之名案說文云冊象其札一長一短中有二編之形古文作箒知冊卽策也某爲王發者發武王名禮臨文不諱又父前子名古文本作王發與鄭康成所見本異也云勤勞阻疾者邁厲爲勤勞蓋古今文之異非史公詰訓言武王勤勞以致險疾也說文云阻險也集解引徐廣曰阻一作淹淹與險聲相近疑經文本作淹疾史公易爲阻也淹久也見廣雅釋詁鄭注見史記集解及書疏

若爾三王是有丕子之

責于天

注

史遷丕作負馬讀如字鄭康成曰丕讀曰不

愛子孫曰子元孫遇疾若汝不救是將有不愛子孫之

過爲天所責欲使爲之請命也

疏

史公不作負者曲禮疏引白虎通曰諸侯

疾曰負子子民也言憂民不復子之也後漢書隗囂傳囂告州牧郡監等曰申命百姓各安其所庶無負子之職蓋謂民安其所乃無背棄子民之咎以負爲背也段氏玉裁云此文是有負子之責于天言武王有背棄子民之咎而將死也馬融讀如字見釋文云丕普悲反馬同馬氏蓋訓丕爲太與史公鄭康成俱異義者言天與三王以大慈愛其子孫之責任也鄭注見書疏丕讀曰不樂記云易直子諒之心注云子讀如不子之子用此經文史記索隱引作讀曰負恐誤也云愛以旦代某之子孫曰子者中庸子庶民注云子猶愛也

身注

史遷某作王發子仁若考能多材多藝能事鬼神

注

史遷子仁若考能作且巧能乃元孫不若且多材多

藝不能事鬼神

注

史遷元孫作王發若作如

疏

史公某及元孫

皆作王發者古文如是于作日考能作巧能知考字當爲巧仁若考能言仁順巧能也入若不能兩不字當讀爲丕語詞中庸引詩曰不顯惟德鄭注云不顯言顯也則此言我多材藝能事鬼神乃元孫武王豈不多材藝能事鬼神乎事鬼神者謂生而主其祀乃命于帝庭敷事非謂死而事之僞傳孔疏說皆非也

佑四方

注

馬融曰武王受命于天帝之庭布其道以佑

助四方

疏

帝庭者詩文王云文王陟降在帝左右傳云帝天是也敷者詩傳云布也佑同祐說文祐

助也馬注見史記集解

用能定爾子孫于下地四方之民罔不祇

畏嗚呼無墜天之降寶命我先王亦永有依歸

注

史遷

爾作汝祇作敬寶作葆鄭康成曰降下也寶猶神也有

所依歸爲宗廟之主也

疏

祇者釋詁云敬也。墜當爲隊。說文云從高隊也。詩禮釋文

俱云墜本作隊。國語注墜失也。史公寶作葆者。易繫辭聖人之大寶曰位。釋文引孟喜本作保。留侯世家集解引徐廣曰。史記珍寶字皆作葆是也。鄭注見史記集解云寶猶神也。者後漢皇甫嵩傳注云寶器猶神器也。故云寶猶神也。今我卽命于元龜。注馬融曰元龜大龜也。爾之

許我我其以璧與珪歸俟爾命。注馬融曰待汝命。武王

當愈我當死也。爾不許我我乃屏璧與珪。注史遷珪俱

作圭

疏

卽者釋詁云就也。命謂命龜已下至屏璧與珪。皆命龜詞也。馬注俱見史記集解云元龜大龜

者馬注西伯戡黎云長尺二寸白虎通著龜篇引禮三正記云天子龜長一尺二寸諸侯一尺大夫八寸士六寸許者廣雅釋詁云聽也。俟者釋詁云待也。屏同屏廣雅釋詁云藏也。詩傳云屏蔽也。義亦近藏藏之者禮記

曾子問云天子諸侯將出以幣帛皮圭告于神明奉以出必告設奠卒斂幣玉藏兩階之間是藏幣玉之事曲禮正義云金滕告太王王季文王云爾之許我乃卜三龜一襲吉是能傳神命也又云假爾泰龜有常假爾泰誓有常爾謂指著龜也是爾乃卜三龜一習吉啟籥見之許我已下爲命龜之詞

書乃并是吉

注

史遷說周公已令史策告太王王季文

王欲代武王發於是乃卽三王而卜卜人皆曰吉發書

視之信吉周公喜開籥乃見書遇吉馬融曰籥藏卜兆

書管鄭康成曰籥開藏之管也開兆書藏之室以管乃

復見三龜占書亦合於是吉啟一作開

疏

三龜者史公

而卜是太王王季文王前各置一龜以占祖考之意也
者者易象上傳云習坎重險也是習爲重籥者說文云

書僮竹筥也又云穎川人名小兒所書寫爲筥廣雅釋
器云籥箴也一切經音義引纂文云關西以書篇爲書
籥然則籥者竹箴非管籥也說文所用古文書義也并
者漢書集注云台也史公云發書視之信吉又云開籥
乃見書遇吉則亦以籥爲管籥也云遇吉者論衡卜筮
篇云周武王不豫周公卜三龜公曰乃逢是吉逢者釋
詁云遇也故史公作遇逢之與并亦聲相轉也馬注見
釋文鄭注見書疏云籥卜兆書管者周禮卜師掌開龜
之四兆注云開謂出其占書也書金縢曰開籥見書是
謂與又地官司門掌管鍵以啟閉國門注鄭司農云管
謂籥鍵謂兆說文關闕下兆也据先後鄭以籥爲管鍵
爲兆者方言云戶鑰自關而東謂之鍵自關而西謂之
鑰文選注引鄭氏易注云齊魯之間名門戶及藏器之
管曰籥蓋籥與鑰同鍵亦通稱內有牡鍵以兆管開之
也

公曰體王其罔害

注

史遷無體字說爲入賀武王曰

罔作無

疏

體謂龜之四體中庸云見乎蓍龜動乎四體
鄭注云四體謂龜之四足春占後左夏占前

左秋占前右冬占後右周禮占人凡卜筮君占體大夫
占色史占墨卜人占圻注云體兆象也引此文罔作無
云凡卜象吉色善墨大圻明則達吉玉藻卜人定龜史
定墨君定體彼注云視兆所得也引周公曰體王其無
害亦作無是子小子新命于三王惟永終是圖茲攸俟
與史記同也

能念子一人

注

史遷以此爲賀武王之詞予小子作旦

新命作新受命永作長茲攸俟作茲道馬融曰一人天

子也鄭康成曰茲此也

疏

予小子周公自稱新命者絜

所云祓齋自爲質也釋詁云永長也圖謀也茲此也攸
者釋言云所也念者方言云常思也子一人謂武王也
言我小子絜新以受命於三王惟長終是謀此所俟者
祖宗能念武王耳周公自稱予小子則予一人必謂武
王白虎通號篇云尚書曰王者自謂一人者謙也言已
材能當一人耳臣下謂之一人何亦所以尊王者也以

天下之大四海之內所共尊者一人耳史公攸作道者攸與猷聲相近方言云猷道也故說爲道馬鄭注俱見史記集解公歸乃納冊于金縢之匱中王翼曰乃濂注史遷

翼作明納作藏鄭康成曰縢束也凡藏秘書藏之于匱必以金

緘其表翼一作翌疏縢者詩傳云繩也又約也匱者王逸注楚詞云匣也周禮占人凡卜

筮既事則繫幣而比其命歲終則計其占之中否注杜

子春云繫幣者以帛書其占繫之於龜也元謂既卜筮

史必書其命龜之事及兆繫于策繫其禮神之幣而合

藏焉引此經王與大夫盡弁之文云是命龜者據此是

納冊爲卜筮之常事非公欲爲此以待後日之發視也

翼者釋言云明也郭注引此作翌唐顏師古李善等注

書引此俱作翌說文作翌云明日也翼蓋假借字濂者詩傳云愈也史公納冊作藏策者漢書集注云納藏也鄭康成注見書疏云金緘其表者一切經音義引字林云緘束篋也魯語云得之金櫝注云櫝匱也金以金帶

其外也帶其外卽鄭所謂緼其表

武王既喪

注

史遷作其後武王既崩

鄭康成曰文王十五生武王九十七而終終時武王八

十三矣於文王受命爲七年後六年伐紂後二年有疾

疾瘳後二年崩崩時年九十三矣

疏

喪者白虎通崩薨篇云喪者亡也人

死謂之喪何言其喪亡不可復得見也不直言死稱喪者何爲孝子之心不忍言也尙書曰武王既喪鄭注見詩豳譜疏云文王九十七而終武王崩時九十三矣據文王世子之文鄭以既喪爲免喪釋詁云卒既也既喪謂終三年喪之後見下疏

管叔及其羣弟乃流言于國曰公將不利

于孺子

注

史遷孺子作成王鄭康成曰管國名叔字周

公兄武王弟封于管羣弟蔡叔霍叔武王崩周公免喪

欲居攝小人不知天命而非之故流公將不利於孺子

之言於京師孺子謂成王也

疏

管叔名鮮史記周本紀云封弟叔鮮于管管蔡

世家云文王長子曰伯邑考次曰武王發次曰管叔鮮次曰周公旦次曰蔡叔度次曰曹叔振鐸次曰成叔武次曰霍叔處次曰康叔封次曰冉季載是管叔爲周公兄武王弟周書作洛解云武王立王子祿父俾守商祀建管叔於東建蔡叔霍叔於殷俾監臣是羣弟卽謂蔡叔霍叔也管蔡世家云管叔蔡叔疑周公之爲不利于成王不言霍叔霍叔旣與蔡叔同監殷則羣弟兼及霍叔矣流言者荀子致仕篇云凡流言流說楊倞注云流者無根源之謂呂覽知度篇云不好淫學流說高誘注云邪說謂之流說詩破斧疏引書傳曰武王殺紂繼子祿父及管蔡流言奄君薄姑謂祿父曰武王已死成王幼周公見疑矣此百世之時也請舉事然後祿父及商奄畔此卽流言之事也孺子者說文云乳子也史記魯周公世家云武王旣崩成王少在強葆之中周公恐天

下聞武王崩而畔周公乃踐阼代成王攝行政當國管叔及其羣弟流言於國曰周公將不利於成王此史公從孔安國問故而爲之說是武王崩時成王在襁抱中父選魏都賦注襁負引博物志織縷爲之以約小兒於背上是成王年止一二齡也淮南要略篇云武王立三年而崩成王在襁褓之中未能用事蒙恬列傳恬曰昔成王初立未離襁褓周公旦負王以朝是亦以成王在襁褓恬親見百篇未毀之書當可信也琴操云武王崩太子誦年七歲周易集解引子貢云武王之崩年九十三矣而成王八歲古尚書說云武王崩時成王年十三說俱乖異古尚書說蓋衛買所說孔壁古文又與史公所問之故異也文王世子云成王幼不能蒞阼周公相踐阼而治抗世子法於伯禽欲令成王之知父子君臣長幼之道也成王有過則撻伯禽所以示成王世子之道也案周公踐阼時欲令成王知父子君臣長幼之道則非強葆中矣故鄭不從史公說也鄭注見詩譜疏云周公免喪居攝者鄭注詩鴟鴞亦云時周公竟武王之喪欲攝政成周道致太平之功是以周公爲免喪居攝

則以既喪爲終喪也既與終語之轉詩伐木曰終和且平卽邶曰既和且平與史公說異檀弓云古者天子崩王世子聽於冢宰三年春秋定四年傳云周公爲太宰據此則太宰禮當攝政至免喪猶攝政故管蔡疑之也周公乃告二公曰我之弗辟我無以告我先王周公居東二年注史公說爲周公告太公望召公奭曰我之所以弗辟而攝行政者恐天下畔周無以告我先王於是卒相成王管蔡武庚等果率淮夷而反周公乃奉成王命興師東伐遂誅管叔殺武庚放蔡叔又云寧淮夷東土二年而畢定馬融曰辟謂辟居東都鄭康成曰我今不辟孺子而去我先王以謙讓爲德我反有欲位之謗

無以告于先王言媿無辭也居東者出處東國待罪以

須君之察已

疏

辟者說文作𡗗云法也周書曰我之

不氏言我之不法謂我不以法治管蔡則天下畔周無以告我先王字與史公異而意同蓋古文說也史公以居東爲興師東伐以二年爲寧淮夷東土二年而畢定者周書作雒解云武王克殷既歸乃歲十二月崩鎬殯于岐周二公立相天子三叔及殷東徐奄及熊盈以畔周公召公內弭父兄外撫諸侯元年夏六月葬武王于畢二年又作師旅臨衛政殷殷大震潰降辟三叔王子祿父北奔管叔經而卒乃囚蔡叔于郭凌是亦以居東爲東伐也詩幽譜疏引書傳周公居攝一年救亂二年克殷三年踐奄是歐陽夏侯等亦不以居東爲辟居也馬注見釋文鄭注見幽譜疏馬鄭俱讀辟爲避者墨子耕柱篇云周公旦非關叔衛三公東處于商蓋蓋卽奄也越絕書云周公傅相成王管叔蔡叔不知周公而讒之成王周公乃辭位出巡狩于邊論衡感類篇云古文家

以武王崩周公居攝管蔡流言王意狐疑周公奔楚故
天大雷以悟成王皆與鄭合周頌雖疏引鄭以武王十
二月崩成王三年二月禘周公避流言而出明年春禘
是鄭以周公居東在成王禘後也此說與史公說又異
蓋今文說如此王氏充以則罪人斯得注史遷說管蔡
爲古文者今文亦古說也

武庚等果率淮夷而反周公乃奉成王命與師東伐作
大誥遂誅管叔殺武庚放蔡叔鄭康成曰罪人周公之
屬黨與知居攝者周公出皆奔今二年盡爲成王所得

謂之罪人史書成王意也罪其屬黨言將罪之疏罪人

以爲管蔡白虎通誅罰篇云尙書曰肆朕誕以爾東征
誅弟也又云尙書曰誕以爾東征誅祿甫也此古文家
說詩鴟鴞云既取我子無毀我室傳云寧亡二子不可
以毀我周室詩幽譜疏云二子謂管蔡然則毛解金縢

之文其意皆異於鄭又云毛以罪人斯得爲得管蔡周公居東爲東征也是毛公與史公同以罪人爲管蔡蓋古文說也鄭注見詩鴟鴞疏以罪人爲周公之屬黨者鄭以詩鴟鴞云旣取我子無毀我室箋云時周公竟武王之喪欲攝政成周道致太平之功管叔蔡叔等流言云公將不利於孺子成王不知其意而多罪其屬黨與者喻此諸臣乃世臣之子孫其父祖以勤勞有此官位土地今若誅殺之無絕其位奪其土地是鄭釋詩之言而爲此說周易集解蒙初六用說桎梏干寶云此成王始覺周公至誠之象將正四國之罪宜釋周公之黨則與鄭說同也鄭以成王迎周公歸攝政後東伐四國則居東之時所言罪人非管蔡也

于後

康成曰于二年後也公乃爲詩以貽王名之曰鴟鴞

注

史遷名作命鄭康成貽作怡曰怡悅也周公傷其黨屬無罪將死恐其刑濫又破其家而不敢正言故作鴟鴞

之詩以貽王今幽風鴝鵒也鬻子斥成王

疏

貽當爲貽詩國風自

詒伊阻詒我彤管釋文皆作貽云本又作詒貽俗字幽風鴝鵒詩序云鴝鵒周公救亂也成王未知詒貽周公之志公乃爲詩以遺王名之曰鴝鵒焉詒作遺者爾雅釋言云詒遺也鴝鵒者釋鳥云鴝鵒方言云白關而東謂桑飛曰鴝鵒詩疏引陸機疏云鴝鵒似黃雀而小其喙尖如錐取茅莠爲窠幽州人謂之鴝鵒或曰巧婦或曰女匠關東謂之工雀或謂之過羸關西謂之桑飛或謂之鴝雀或曰巧女鄭注見詩幽譜疏及鴝鵒疏云怡悅者釋詁云怡樂也內則注怡悅也樂卽悅云傷其屬黨無罪將死恐其刑濫又破其家者因詩有旣取我子無毀我室而釋其意鴝鵒疏云馬昭云公黨已誅請之無及故但言請子孫土地斯不然矣鄭意以屬臣雖爲王得罪猶未加刑焉馬昭之言非鄭旨也云鬻子斥成王亦王亦見鴝鵒疏疏云經解喻尊猶言昊天斥王也王亦未敢誚公注

史遷誚作訓鄭康成曰成王非周公意未

解今又爲罪人言欲讓之推其恩親故未敢

疏

言云讓

也說文誚云古文譙从言肖周書曰王亦未敢誚公史公作訓者廣雅釋詁云訓順也洪範于帝其訓是訓是行朱微子世家皆作順蓋言王意亦不從周公之言也段氏玉裁以訓爲訖字从立心古文信字言王亦未敢信公也訖見玉篇云信古文作訖蓋今文尙書誚作信亦或然也經文自武王既喪至此蓋史臣所記以終周公作金縢之事其秋大熟已下文以爲周公死後之事史記亦云周公卒後秋大熟考是毫姑逸文故別行以別之

秋大熟未穫

注

史遷說爲周公在豐病將沒曰必葬我

成周以明吾不敢離成王周公既卒成王亦讓葬周公於畢從文王以明予小子不敢臣周公也周公卒後秋

未穫云云鄭康成曰秋謂周公出二年之後明年秋也

疏此秋大熟已下有脫簡不知何年秋也穫者說文云刈穀也史公說爲周公卒後秋未穫並言周公在豐

病將沒欲葬成周之事合之書序云周公在豐將沒欲葬成周公薨成王葬于畢告周公作毫姑則此是毫姑逸文成王所作與周公所作金縢別是一篇毫姑篇今亡猶可以此考見其云告周公者蓋以天變祝告改葬之則所云惟朕小子其迎我國家禮亦宜之謂惟我小子其逆于國家應有之禮亦宜有此天變也必後人因其文有以取金縢之詞誤合于金縢耳又案大傳云周公致政封魯三年之後周公老於豐心不敢遠成王而欲事文武之廟然後周公疾曰吾死必葬于成周示天下臣于成王及周公薨成王欲葬之于成周天乃雷電以風禾卽盡偃大木斯拔國人大恐成王曰周公生欲事宗廟死欲聚骨于畢畢此文王之墓地故周公死成王不葬于國而葬之于畢示天下不敢臣也所以明有功尊有德故周公封于魯身未嘗居魯也忠孝之道咸

在成王周公之間故魯郊成王所以禮周公也已上大
傳據孔氏廣林集本又史記魯世家云初成王少時病
周公乃自揃其蚤沈之河以祝於神曰王少未有識好
神命者乃旦也亦藏其策於府成王病有廖及成王用
事人或譖周公周公奔楚成王發府見周公禱書乃泣
反周公又徵之蒙恬傳恬曰昔周成王初立未離襁褓
周公旦負王以朝卒定天下及成王有病甚殆公旦自
揃其爪以沈于河曰王未有識是旦執事有罪殃旦受
其不祥乃書而藏之記府及王能治國有賊臣言周公
旦欲爲亂久矣王若不備必有大事王乃大怒周公旦
走而奔于楚成王觀于記府得周公旦沈書乃流涕曰
孰謂周公旦欲爲亂乎殺言之者而反周公旦恬時百
篇之書未焚當親見之而爲此說史公用其言以作魯
世家是周公尙有爲成王禱疾之事避居後成王發府
得書迎周公其暴風雷雨之事在周公卒後也琴操云
周金縢者周公作也書曰武王薨太子誦襲武王之業
年七歲不能統理海內周公爲攝政是時周公囚誅管
蔡之後有誨公於王者言公專國大權詐謀將危社稷

成王聞之欲囚周公周公乃奔于魯而死成王以公禮葬之天乃大暴風疾雨禾稼皆偃木折傷成王懼而發金縢之書見周公所爲武王禱命以身贖之書成王執書而泣曰誰言周公欲危社稷者取所讒公者而誅之天乃反風霽雨禾稼復起此言周公被譖奔魯在誅管蔡之後與史記同而不言爲成王禱疾易林需之无妄云載璧秉珪請命于河周公剋敏沖人瘳愈亦言爲成王請命蓋古文書說然則墨子亦見百篇之文以爲非管叔東處于商蓋者或周公辟居兩次天大雷電以風或諸子誤以誅管蔡後避居爲東征與

禾盡偃大木斯拔邦人大恐王與大夫盡弁

釋

史遷說

大雷電以風爲暴風雷雨斯爲盡弁爲朝服古尙書說

云武王崩時成王年十三後一年管蔡作亂周公東辟

之王與大夫盡弁以開金縢之書成王年十四言弁明

知已冠矣鄭康成曰弁爵弁天子諸侯十二而冠成王
此時年十五于禮已冠而爵弁者承天變故降服也以
啟金縢之書注鄭康成曰開金縢之書者省察變異所
由故事也乃得周公所自以爲功代武王之說注說史

遷一作簡

疏

大雷電以風電當爲雨偃者孔氏安國注

舉傳注應邵引洪範五行傳作大雷雨論衡感類篇亦
作雷雨則電爲誤字斯爲盡者高誘注呂氏春秋云斯
猶盡也弁爲朝服者周禮司服云視朝皮弁玉藻云皮
弁以日視朝故史公以朝服釋弁也古尚書說見公羊
傳隱元年疏許君謹案武王崩成王年十三若十四而
已冠是喪冠也不從古尚書說云成王年十四者譌周
五經然否論引此異義云武王崩後管蔡作亂周公出
居東是歲大風王與大夫冠弁開金縢之書成王年十

四是喪冠也蓋不以秋大熟爲二年後與鄭異也鄭注見書疏詩芄蘭疏云弁爲弁者穀梁文十二年傳疏云爵弁者儀禮士冠禮三加爵弁注云爵弁尊江氏聲云此以爵弁爲降服者爵弁非天子之服蔡邕獨斷云冕冠周用爵弁又云以三十升布爲穀廣八寸長尺二寸加爵冕其上周鼎而赤如爵頭色前小後大周書曰王與大夫盡弁是同鄭說鄭以不加爵冕故曰降服也云天子諸侯十二而冠者左傳襄九年晉侯問公年季武子曰會于沙隨之歲寡君生晉侯曰十二年矣國君十五而生子冠而生子禮也君可以冠矣淮南汜論訓歲星十二歲而周天道十二而備故國君十二歲而冠冠而娶十五生子重國嗣也鄭說本此云成王年十五於禮已冠者穀梁傳文十二年注引譙周曰書稱成王十五而冠著在金縢亦與鄭說同也鄭注見書疏又云開金縢書省察變異所由故事者金縢之匿藏先王舊章必有可以考驗災異所由者即可知消伏之術成王不知有周公代武王之簡亦在內也說史二公及王乃公作簡者徐廣曰說一作簡或今文字也

問諸史與百執事注鄭康成曰問者問審然否也對曰

信懿注史遷懿作有馬融曰懿猶億也疏史公懿作有

魯世家藏其策金縢匣中上有云誠守者勿敢言故云
信有也馬注見釋文云懿猶億者詩大雅懿厥哲婦箋
云懿者有所傷痛之辭也疏引此經爲說易億喪貝釋
文云本作噫干寶注億歎辭也又大雅抑篇楚語作懿
韋昭云懿讀曰抑公命我勿敢言王執書以泣注鄭康成曰泣

者傷周公忠孝如是而無知之者曰其勿穆卜注史遷

作自今後其無穆卜乎昔公勤勞王家惟子冲人弗及

知注史遷冲作幼今天動威以彰周公之德惟朕小子

其新迎注史遷無新馬融新作親鄭康成曰新迎改先

時之心更自新以迎周公於東與之歸尊任之

疏史遷

幼者漢書翟義傳注冲雅也雅亦幼也迎之義亦爲逆禹貢同爲逆河河渠書溝洫志皆爲迎河史公無新字則惟朕小子其迎言有逆禮致天變也馬注見釋文新作親者言成王親迎周公毛詩東山序云東山周公東征也周公東征三年而歸詩九戩我覯之子衮衣繡裳傳云所以見周公也箋云王見周公當以上公之服往見之是毛氏亦同馬說也越絕書三云周公辭位出巡狩於邊一年天暴風雨又云王乃夜迎周公流涕而行周公反國亦與此說同鄭注見詩東山疏云自新者成王悔不知周公之過

我國家禮亦宜

之疏

白虎通喪葬篇云周公以王禮葬何以爲周公踐

休氣充塞原天之意子愛周公與文武無異故以王禮葬使得郊祭尚書曰今天動威以彰周公之德下言禮亦宜之今文說皆如是則上云惟朕小子其逆者王出言遭天變有逆禮之處逆非迎周公也又見後疏

王出

郊天乃雨反風禾則盡起注馬融曰反風還反也鄭康

成曰易傳云陽威天不旋日陽謂天子也天子行善以

威天不迴旋經日

疏

郊魯以郊祭也因郊祭而止天變遂

命魯得郊祭文王白虎通喪葬篇亦云以王禮葬使得
郊祭後漢書和帝紀詔曰成王出郊而反風注云王乃
出郊祭天事見尙書禮運云魯之郊禘非禮也周公其
衰矣注言子孫不能奉行興之禮器云故魯人將有事
于上帝必先有事于領宮注云上帝周所郊祀之帝謂
蒼帝靈威仰也魯以周公之故得郊祀上帝與周同郊
特牲云祭之日王被袞以象天注云謂有日月星辰之
章此魯禮也魯侯之服自袞冕而下也公羊傳卅一年
傳曰卜郊何以非禮魯郊非禮也何氏注云以魯郊非
禮故卜爾昔武王既沒成王幼少周公居攝行天子事
制禮作樂致太平有王功周公薨成王以王禮葬之命
魯使郊以彰周公之德非正故卜據此諸文是魯郊明

矣王氏充以出郊爲王出郊觀變論衡感類篇云開匱得書覺悟泣過決以天子禮葬公出郊觀變天止雨反風禾盡起馬注見史記集解云風還反者若風從東來還反從西鄭注見書疏引易傳者後漢書郎顗傳云易中孚傳曰陽感天不旋日注云易中孚傳曰陽感天不旋日諸侯不旋時大夫不過晷并引鄭注云陽者天子爲善一日天立應以善爲惡一日天立應以惡諸侯爲善一時天立應以善爲惡一時天立應以惡大夫爲善一歲天亦立應以善爲惡一歲天亦立應以惡一說不旋日立應之不旋時三辰間不過期從今日至明日旦也陽卽指天子也又周舉傳舉對策引易二公命邦人傳同注以爲易稽覽圖文與此注同也

凡大木所偃盡起而築之歲則大熟

注

史遷邦作國馬

融曰築拾也禾爲木所偃者起其木拾其下禾乃無所
失亡也鄭康成曰文王崩後明年生成王則武王崩時

成王年十歲服喪三年畢成王年十二明年將踐祚周公欲代之攝政羣叔流言周公辟之居東都時成王年十三也居東二年成王收捕周公之屬黨時成王年十四也明年秋大熟遭雷風之變時周公居東三年成王年十五迎周公反而居攝之元年也居攝四年封康叔作康誥是成王年十八也故書傳云天子太子十八稱孟侯五年作召誥七年作洛誥伐紂至此十六年也作康誥時成王年十八洛誥時年二十一也卽政時年二十二也然則成王以文王終明年生也

疏

築者釋言云拾也釋文云

築本亦作筑馬注見釋文及史記集解書疏引作鄭注
鄭注見詩幽譜疏明堂位疏云鄭用衛宏之說漢書律
歷志云文王十五而生武王受命九年而崩崩後四年
而武王克殷克殷之歲八十六矣後七歲而崩故禮記
文王世子曰文王九十七而終武王九十三而終凡武
王卽位十一年周公攝政五年正月丁巳朔旦冬至殷
歷以爲六年戊午距湯公七十六歲入孟統二十九章
首也後二歲得周公七年復子明辟之歲是歲二月乙
亥朔庚寅望後六日得乙未故召誥曰惟二月既望粵
六日乙未又其三月甲辰朔三日丙午召誥曰惟三月
丙午朏古文月采籀曰三日曰朏是歲十二月戊辰晦
周公以反政故洛誥曰戊辰王在新邑烝祭歲命作策
惟周公誕保文武受命惟七年成王元年正月乙巳朔
此命伯禽俾侯于魯之歲也此據三統歷所推與鄭說
大同小異漢書梅福傳云昔成王以諸侯禮葬周公而
皇天動威雷風著災儒林傳谷永上疏曰昔周公薨成
王葬以變禮而當天心後漢書周舉傳詔問曰言事者
多云昔周公攝天子事及薨成王欲以公禮葬之天爲

動變及更葬以天子之禮卽有反風之應舉對曰昔周公
有請命之應隆太平之功故皇天動威以彰聖德注
尚書洪範五行傳曰周公死成王不圖大禮故天大雷
雨禾偃木拔乃成王寤金縢之策政周公之葬尊以王
禮申命魯郊而天立復風雨禾稼盡起張奐傳與上疏
曰昔周公葬不如禮天乃動威注尚書大傳周公薨成
王欲葬之成周天乃雷電以風禾卽盡偃大木斯拔國
人大恐王葬周公於畢示不敢臣也漢紀張奐上書曰
昔周公既薨成王葬不具禮天乃大風偃禾折樹成王
發書感悟備禮改葬天乃立反風樹木盡起論衡感類
篇金縢曰秋大熟未穫天大雷電以風禾盡偃大木斯
拔邦人大恐當此之時周公死儒者說之以爲成王孤
疑於周公欲以天子禮葬公公人臣也欲以人臣禮葬
公公有王功狐疑於葬周公之間天大雷雨動怒示變
以彰聖功又曰開匱得書覺悟泣過決以天子禮葬公
出郊觀變天止雨反風禾盡起路史及張奐傳注引尚
書大傳見前疏何休注公羊曰昔武王既沒成王幼少
周公居攝行天子事制禮作樂致太平有王功周公薨

成王以主禮葬之命魯使郊以彰周公之德按此諸說皆今文尚書則知秋大業已上自有脫文鄭氏王充所見本已在金縢篇孔子作書序時自是毫姑文也

金縢第十三終

以已爲熙聲相近惟爲念攸爲所濟爲渡賁爲奔走案
已者釋詁云吝已此也吝疑也是已與吝同訓惟者釋
詁云思也與念同義攸爲所者釋言文濟者釋言云渡
也敷疑衍文賁者風俗通云虎賁猶言虎之奔是賁與
奔同言我思小子如涉深水我惟往求所渡之人任奔
走之事漢書武帝紀詔曰若涉淵水未知所濟用此文
也江氏聲說敷爲傳敷前人受命茲不忘大功予不敢
以爲疏附奔走之臣敷前人受命茲不忘大功予不敢
閉疏漢書敷爲傳近奉承閉爲比云子豈敢自比於前
注考工記云傳近也又以爲奉承者漢詁求其通俗重
疊訓釋之比與閉聲相近言我依附祖考受此天命不
忘大功豈敢比於前人乎此今文說經作閉者韋昭注
晉語云閉壅也若君奭云遏佚前人光于天降
威用寧王遺我大寶龜紹天明卽命注鄭康成曰受命
日寧王承平日平王時旣卜乃後出詁故先云然寶一

作僂

疏

于者釋詁云粵于也天降威用寧王漢書作天

案釋詁

云威則也則者法也言天降明法于靈龜以寧

王室前漢人用今文之義如此紹天明漢書作廼紹天

明意注師古曰紹承也案下又云詔子詔即紹字鄭注

禮器云詔或爲紹釋詁云紹導也命者大命漢書作即

命居攝踐祚則此言周公攝王以即大命也鄭注見書

疏云受命曰寧王者君奭云惟寧王德鄭注云寧王者

文王也又注洛誥云周公謂文王爲寧王成王亦謂武

王爲寧王此一名二人兼之云承平日平王者詩何彼

穠矣平王之孫傳云平正也文王孫曰有大艱于西土

是與漢書說異也實魏石經作僂

西土人亦不靜越茲蠡注鄭康成曰周民亦不定其心

騷動言以兵應之曰一作粵蠡一作載

疏

曰者漢書作

動衆曰則有大艱云云即指管蔡流言也靜漢書作靖

越茲蠡漢書作於是動艱者釋詁云難也靖者說文云

亭安也越同粵釋詁云於也蠹者釋詁云動也說文云
蟲動也古文作𧈧周書曰我有載於西節用此文也載
既爲孔壁古文故魏石經用之曰作粵亦魏石經也鄭
注見書疏云周民亦不定其心者以靜爲寧釋詁云寧

靜也殷小腆注馬融曰腆至也鄭康成曰腆謂小國也疏

馬注見釋文段氏玉裁云至也當爲主也說文云𧈧主

也鄭注見書疏云𧈧小國者方言云𧈧厚也說文云𧈧

多也左傳謙詞多言不腆誕敢紀其緒疏漢書作誕敢

小腆猶不腆故云小國誕敢紀其緒疏犯祖亂宗之

序注師古曰誕大也紀蓋今文作犯形相近緒與序通

古文作紀者廣雅釋言云統紀也漢書注如淳云統繼

也則紀天降威知我國有疵民不康注馬融曰疵瑕也

言繼也天降威知我國有疵民不康注馬融曰疵瑕也

鄭康成曰知我國有疵病之瑕疏漢書作天降威遺我

使民不安注師古曰咎病也案疵病康安釋詁文依漢

書當言天下法則以命龜先告我以國有疵病使民不

安卽上文所云遺我寶龜下文云卜并曰子復反鄙我

吉得吉卜也

馬注見釋文鄭注見書疏

周邦疏漢書作是天反復右我注師古曰右讀曰祐則

文書爲鄙與圖字形近釋詁云猷圖今蠶今翼日民獻

也或今文作猷聲近祐故漢書作祐

有十夫注大傳獻作儀子翼以于救寧武圖功疏今翼

日漢書作粵其問日注孟康曰反書上聞日也則此言

今武庚蠢動之日及明日也翼說文作昱云明日也民

獻漢書作民獻儀注孟康曰民之表儀謂賢者獻者釋

詁云聖也儀者廣雅釋言云賢也子翼以于救寧武圖

功漢書作子敬以終於此謀繼嗣圖功翼爲敬武爲繼

圖爲謀皆釋詁文此今文說也經作子者詩箋云往也

救者釋詁云撫也言子敬以之我有大事休朕卜并吉

往撫寧民心以繼所謀功績也

鄭康成曰卜并吉者謂三龜皆從也

疏大事者戎車也周禮太宰

云作大事則戒百官休者釋詁云美也鄭注見書疏云
三龜皆從者古人卜用三龜而以玉兆瓦兆原兆三兆
各占一肆予告我友邦君越尹氏庶士御事曰子得吉
龜也

卜子惟以爾庶邦于伐殷逋播臣

疏

肆漢書作故釋詁文尹氏者書疏云

即顧命云百尹氏也尹正也諸官之正謂卿大夫于者
詩箋云往也逋者說文云亡也播者李登聲類云散也
殷亡散臣爾庶邦君越庶士御事罔不反曰艱大

注艱

一作艱民不靜

注

鄭康成曰汝國君及下羣臣不與我

同志者無不反我之意云三監叛其爲難大亦惟在王

宮邦君室

疏

漢書罔作無艱作難注師古曰言爾等國
君或有亦曰禍難既大衆庶不安鄭注見

書疏艱魏石經作越子小子考翼不可征王害不違卜
艱說文艱或作轄

疏

漢書作於小子族父敬不可征注師古曰於孺子爲

行當敬之不可討也王何不違肆子冲人永思艱曰嗚

呼允蠹鰥寡哀哉**疏**漢書作故子爲冲人長思厥難肆

漢書作所犯誠動鰥寡注師古曰無妻無夫之人亦同

受其害允誠蠹動釋詁文此言故子爲幼君長思其難

三監之叛誠擾勅子造天役遺注馬融曰造遺也大扃

鰥寡可哀之甚

艱于朕身越子冲人不叩自恤**疏**漢書作子遭天役遺

孺子不身自卹注師古曰言天以漢家役事遺我而今

身解其難故我征伐以爲孺子除亂非自憂已身也造

者遭也見上疏役者廣雅釋詁云使也遺者釋言云貽

遺也授者說文云擽也漢書作解疑投本挽字說文挽

解挽也艱難朕我叩我恤憂皆釋詁文馬注義爾邦君

見釋文云遺也疑遭也之誤恤魏石經作卹

越爾多士尹氏御事綏予曰無恙于恤注恤一作卹不

可不成乃寧考圖功疏

義爾漢書作義彼釋詁云儀善也綏安也恙慎也恤憂也圖謀

也言善爾國君于爾羣臣安我曰慎無困于已予惟小

子不敢替上帝命注

替一作替疏

不敢替漢書作不敢替注師古曰僭不信

也言順天命而征討魏石經作屠隸作替說文僭擬也擬一日相疑是僭爲疑不信也作僭者今文替古文也

釋言云

天休于寧王興我小邦周寧王惟卜用克綏受

茲命今天其相民矧亦惟卜用疏

天休于寧王漢書作天休於安帝室矧作

況寧王惟卜用無寧王二字注師古曰言夫美於興復

漢國故我惟用吉卜能安受此命又曰言天道當思助

人況夏卜用可知矣是今文寧王惟卜用止作

嗚呼天

明畏弼我不丕基

疏

漢書作烏庠天明威輔漢始而大

畏威廣雅釋言文弼輔見說文丕大基始釋王曰爾惟

詁文今文基訓爲始古文文基或爲基業也

王曰爾惟

舊人爾丕克遠省爾知寧王若勤哉

疏

漢書惟作思丕作不注師古曰

言爾當思久舊之人爾不能遠省識古事惟思擇詁文丕爲不經典多通用

天闕茲我成功

所予不敢不極至

圖事

疏

懋漢書作勞注孟康曰天

寧漢書作安注師古曰卒終也言我不敢不終祖宗之

業安帝室所謀之事案闕同茲釋詁云茲慎也書疏引

作闕茲同祕廣雅肆予大化誘我友邦君天棐忱辭

注

忱一作謀其考我民予曷其不于前寧人圖功攸終

注

曷一作害

疏

漢書化誘作告棐忱作輔誠其考我民作天其累我以民曷作害寧作安故作所注

師古曰言有至誠之辭則爲天所輔累託也言天以百姓託我我曷敢不謀終祖宗安人之功也害讀曰曷下皆類此案肆予之肆當爲今釋詁文漢書注師古曰肆陳也陳其理而告之非也大化誘猶云大化道馬融顯命云誘道也詩傳云牖道也疏云牖與誘古字通用漢書孔光傳光引書曰天棐誠辭說之云言有誠道天輔之也釋詁云棐輔也謀誠也其考我民今文作天其累我以民古文作其考者釋名云考成也亦言槁也案槁爲槁勞之古字下文云天亦惟用勤毖我民孟康亦釋毖爲勞考勞聲相近又與累聲相轉則考我民謂勞我以民也曷作害者廣雅釋詁云害曷何也寧人漢書多作安人是今文以寧王寧人爲安王室安民不如鄭說以寧王爲文武也

天亦惟用勤毖我民若有疾予曷敢不予前

寧人攸受休畢

疏

漢書勤毖作勞無用字曷作害前寧人作祖宗攸作所畢作輔注師古曰

言天欲撫勞我衆衆若有疾苦我曷敢不順祖宗之意休息而輔助之毖與祕同故爲勞見上疏古文休畢今

文作休輔畢與弼聲相近同在韻書四質疑古文本作弼經作畢者據上文云圖功攸終則此言畢者廣雅釋

詁云

王曰若昔朕其逝朕言艱日思

疏

昔者夜也列子

終也

昔夢爲國君張湛注云夜夜也若者言如前夕逝者釋

詁云往也言我前夕東征所言作室菑田之不易當日

思之卽下若考云云也又案墨子越絕論衡俱以爲周

公避居東土馬鄭義同蓋今文說則此云若昔朕其逝

謂昔時往

居東也

若考作室旣底法厥子乃弗有堂矧有構

有一作克矧有構一作矧弗有構厥考翼其有曰子有

後弗棄基

注

鄭康成曰其父敬職之人其有曰我有後

子孫不廢棄我基業乎予一作我

疏

漢書云子聞孝子

善成人之事在若考作室之上則此周公以勉成王也
卽所謂朕言艱矣釋詁云底定止也官可也構者說文

云蓋也杜林以爲椽桷字言如父作室旣底定于法矣
其子弗甬爲堂基況甬蓋屋乎言不甬也後漢書肅宗
紀云不克堂桓注引尙書乃不甬堂矧甬桓疑桓是桓
楹今文構作桓也陳壽三國志用克構字則今文甬爲
克也矧甬構一作矧弗甬構者書疏引定本云鄭注厥
見詩文王有聲疏子鄭箋引書作我翼爲敬釋詁文厥
父菑厥子乃弗甬播矧甬穫注一作矧弗甬穫厥考翼

其甬曰子有後弗棄基

疏

漢書作子思若考作室厥子

室之意則子當築堂而構焚燎以成之漢書又云厥父
菑厥子播而穫之反土爲菑一日田一歲曰菑案菑者
邵注爾雅云今江東呼初耕地反草爲菑詩采芑疏引
孫炎云菑始災殺其草木也說文云菑不耕田也不當
爲才字之誤也說文云播種也穫刈穀肆子曷敢不越
也一作矧弗甬穫見書疏引定本云肆子曷敢不越
印敕寧王大命**疏**漢書作子害敢不於身撫祖宗之所
受大命曷作害越作於印作身敕作

撫俱見上疏

若兄考乃有友伐厥子民養其勸弗救

疏

漢書作若

祖宗適有效湯武伐厥子民長其勸弗救注師古曰譬
有人來伐其子而長養彼心反勸助之弗救其子正以
子惡故也言湯武疾惡其心亦然今所征討不得避親
當以公義案漢書用今文說而云效湯武伐厥子則湯
武周公自比厥子謂武庚也若兄考考者父也泛譬之
父兄有弗官成父業之子顏氏以民養爲長養彼心非
也民長益長民者勸弗救謂相戒弗救其子民長指謂
國君羣臣言當從王討殷勿救之伐者白虎通誅伐篇
云擊也疑今文義如此故漢書依仿之段氏玉裁云友
作效者友與交形相近今文友蓋作交說今文家或云
交者效也效湯武也故漢書用其說案養爲長者夏小
正云執養宮事傳曰養長也段君又云考成也謂若兄
有成業而有同志之友忽伐其子叔父其長也其可相
戒勿救乎兄者周公謂武王也厥子成王也伐其子謂
武庚等民之長如周公及國君羣臣其可相勸勿救乎
江氏聲說亦略同但此篇既依今文解經漢書有效湯

武之言則伐厥子不得
謂武庚之伐成王矣

王曰嗚呼肆哉爾庶邦君越爾

御事爽邦由哲亦惟十人迪知上帝命

疏漢書嗚呼作
烏虎爽邦由

哲作其勉助國道明肆者釋詁云力也爽者方言及廣
雅釋詁皆云猛也猛與孟聲相近釋詁孟勉也說文云
爽明也明都卽孟諸明孟通字是明亦勉也哲者釋言
云智也智卽明也故美書以爽爲勉助以哲爲明也迪
者釋詁云進也十人卽論語子有亂臣十人書僞泰誓
疏引先儒鄭元等皆以十人爲父母周公太公召公畢
公榮公太公天散宜生南宮括也言爾邦君羣臣各
出爾力哉勉于邦事者由明智之人亦惟茲十人進用
則知天命所在也漢書讀爲迪知上帝命則如前文迪
民康以迪爲道今文說也漢書注師古曰迪亦道也言
當遵道而
知天命
越天棐忱爾時罔敢易法矧今天降戾于周
邦**疏**漢書作粵天輔誠爾不得易定注師古曰粵辭也
天道輔誠爾不得改易天子之定命漢書又云況

今天降定于漢國案越爲粵聲相近葉輔忱誠俱見上疏時者釋言云是也法字古作金與定相似故今文爲定矧況釋詁文戾定釋詁皆訓爲止詩傳云戾定也言天方輔我之忱汝是無敵易法況我周邦有定命乎

惟大艱人誕鄰胥伐于厥室爾亦不知天命不易

疏言此

大發難之人大近相伐于其家謂三監之近伐王家不顧同室也天命不易卽上文所云降定于周邦詩傳云鄰近也漢書作惟大艱人大逆欲相伐于厥室豈亦知命之不易乎注師古曰言不知天命不可改易乃大爲艱難以干國紀是自相謀誅伐其室也艱古艱字案鄰聲近遘說文遘行難也或作隣故誕鄰卽大難漢書以大逆訓之予永念曰天惟喪殷若稽夫子曷敢不終朕今文義也

疏

漢書稽作齊曷作害朕畝作子晦注師古曰齊夫治田志除草穢天之欲喪義信事亦如之我當順

天以終竟田晦之事案稽作齊者說文云齊愛濇也从來从畎來者畎而藏之故田夫謂之齊夫古文作齊又

解稽云穀可收曰稽二字假借通用易作害朕作予見上疏畝作晦說文晦或作畝此言我長念曰天思喪殷

矣我如晉夫主藏穀之事當終治

天亦惟休于前寧人

我田畝方有收穫以順天心也

予曷其極卜敢弗于從

疏

漢書作天亦惟休于祖宗子害其極卜害敢不于從注師

古曰言天美祖宗之事我何其極卜法敢不往從言必從也案此言天亦思美于祖父安人之業我何爲究極之于卜事哉卜之以安衆心何敢不往從征于往見上疏率寧人有指疆土矧今卜

并吉肆朕誕以爾東征天命不僭卜陳惟若茲

疏

漢書指作

旨矧作況肆作故誕作大天命不僭作命不僭差卜作兆茲作此注師古曰言循祖之業務在安人而美疆土況今卜并吉也言不可不從也案率者釋詁云循也指書疏三云旨意皆作旨知經文之指是後人所改說文云旨美也矧況肆故誕大皆見上疏僭者廣雅釋詁云差也詩箋云僭不信也卜作兆者說文兆灼龜坼也卜

灼剝龜也象炙龜之形一曰象龜兆之從橫也茲此釋
詁文白虎通誅罰篇云誅不避親戚尚書肆朕誕以爾
東征誅弟也又云征猶正也尚
書曰誕以爾東征誅厥父也

大誥第十四終

康誥第十五 周書六 尙書今古文注疏卷十五

賜進士及第授通奉大夫山東督糧道加三級孫星衍撰

注馬融曰康圻內國名鄭康成曰康謚號**疏**馬注見書

國名者史記衛康叔世家索隱云康畿內國名朱忠曰康叔從康徙封衛畿內之康不知所在案司馬氏貞引宋忠之言是康之爲國也本也衛世家云康叔卒子康伯代立索隱曰系本康伯名髡宋忠曰卽王孫牟也事周康王爲大夫案康叔子又稱康伯則康非謚甚明舊說以爲國名是也路史國名紀云妣書康叔故城在潁川宋衷以爲畿內國姓書蓋何氏姓苑今亡云在潁川者說文邴潁川縣漢書地理志潁川有周承休侯國元始二年更名邴集潁邴縣名在潁川又有鄆同音地名則卽康也元始二年復古稱邴今河南汝州是鄭注見書疏以康爲謚號者衛世家云康叔卒子康伯代立索隱曰譙周古史考無康伯而云子牟伯立蓋以不宜

父子俱諡康故因其名云牟伯也則譙周亦以康爲諡也書疏云康亦國名而在圻內馬王亦然惟鄭元以康爲諡故知當有此馬鄭注諸家脫之詁者周公所作以告康叔春秋左氏定四年傳子魚曰昔武王克商成王定之選建明德以藩屏周分康叔以大路少帛倩蒺旃旌大呂殷民七族陶氏施氏繁氏錡氏樊氏饑氏終葵氏封於宋魯自武父以南及圃田之北竟取於有閭之土以其王職取於相土之東都以會王之東蒐聘季授土陶叔授民命以康誥而封於殷虛皆啓以商政疆以周索杜注云康誥周書殷虛朝歌也衛世家云衛康叔名封周武王同母少弟也周公旦以成王命與師伐殷殺武庚祿父以武庚殷餘民封康叔爲衛君居河淇間故商墟周公旦懼康叔齒少乃申告康叔曰必求殷之賢人君子長者問其先殷所以興所以亡而務愛民故謂之康誥以命之康叔之國旣以此命能仰集其民民大說成王長用事舉康叔爲周司寇賜衛寶祭器以章有德地理志云河內本殷之舊都周旣滅殷分其畿內爲三國詩風邶庸衛國是也都呂封紂子武庚庸管

叔尹之衛蔡叔尹之呂監殷民謂之三監故書序曰武王崩三監畔周公誅之盡呂其地封康叔號曰孟侯以夾輔周室遷邶庸之民於洛邑

惟三月哉生魄

注

馬融曰魄朏也謂月三日始生兆朏

名魄一作霸

疏

大傳云周公攝政四年建侯衛則三月爲四年之三月也哉者釋詁云始也魄

說文作霸云月始生霸然也承大月二日小月三日引此經古文作霸鄉飲酒義云月三日則成魄白虎通曰月篇云月之爲言闕也亦有滿有闕也所以有闕何歸功於日也三日成魄八日成光二八十六轉而歸功晦至朔旦受符復行故援神契曰月三日而成魄詩天保疏云日月在朔交會俱右行於天日遲月疾從朔而分至三日月去日已當二次始死魄而出漸漸遠日而月光稍長八日九日月體正半昏而中似弓之張而弦直謂上弦也漸進至十五十六日月體滿與日正相當謂之望從此漸虧至二十三二十四日亦正半在謂之下

弦漸虧至晦而盡諸家皆言三日爲魄以二日有時不見也蓋前月有三十日則是月合朔早二日初昏月去日差遠已有微明見於西方前月二十九日小盡則是月合朔晚二日初昏月去日未遠未可得見必三月初昏始見西方也漢書律歷志三統云死霸朔也生霸望也又云周書武成篇惟一月壬辰旁死魄注孟康曰魄月質也月二日已往月魄死故言死魄與劉歆三統說同蓋以霸爲月質無光之處生則無光之處漸長故云望未知其何以與禮記白虎通說文異說馬注見釋文說文云朏月未盛之明从月出律歷志引古文月采日三日曰朏召誥疏引作周書月令云三月朏法言五百篇云月未望則載魄於西既望則終魄於東宋咸曰載魄當作朏其實魄卽朏也云三日始生兆朏名曰魄與說文二日三日異者馬据其見於西方言之二日有時不見也

周公初基作新大邑于東國洛四方民大和會

大傳說周公營洛以觀天下之心於是四方諸侯率其

羣黨各攻位於其庭周公曰示之以力役且猶至況導之以禮樂乎然後敢作禮樂鄭康成曰此時未作新邑基謀岐鎬之域處五嶽之外周公爲其子政不均故東行于洛邑合諸侯謀作天子之居四方民聞之同心來會樂卽功作効其力焉是時周公居攝四年也隆平已至新大邑一作新邑

疏

大傳說作禮樂者大傳云周公將作禮樂優游之三年不能作

然後營洛書曰作新邑於東國洛四方民大和會此之謂也是此經之傳也云各攻位於其庭則今文以基爲基址與鄭說異矣鄭注見書疏及周禮大司徒疏詩芣苢疏基謀釋詁文云岐鎬之域處五嶽之外者白虎通巡狩篇云嶽之言換也換功德也故尙書大傳曰五嶽謂岱山霍山華山嵩山也堯典曰羣后四朝王者巡狩

所至諸侯四面朝於方嶽之下岐鎬西土遠在雍州故云五嶽之外也云爲其於政不均故東行於洛邑合諸侯謀作天子之居者漢書婁敬傳敬曰成王卽位周公之屬傅相焉乃營成周都雒邑爲此天下中諸侯四方納貢職道里鈞矣有德則易以王無德則易以亡凡居此者欲令務以德致人不欲阻險令後世驕奢以虐民也呂氏春秋長利篇南宮括曰君獨不聞成王之定成周之說乎其辭曰惟余一人營居於成周惟余一人有善易得而見也有不善易得而誅也可以證婁敬之言是周公作洛之意於政不均爲道里不均且不欲阻險虐民也云四方民同心來會卽功作者釋詁云協和也會合也說文云協衆之和同也協同心之稱是也云屬攝四年者據大傳言四年建侯衛也云隆平已至者言致太平也詩維天之命序云太平告文王也箋云告太平者居攝五年之末也文王受命不卒而崩今天下太平故承其意而告之明年制禮作樂是也新大邑大傳引作新邑

無大字 侯甸男邦采衛

注

鄭康成曰不見要服者以

遠于役事而恒闕焉

疏

侯甸男邦采衛九服之五也見周禮職方氏其外則蠻服夷服

鎮服藩服也蠻服已內謂之中國蠻服亦謂之要服去

王城三千五百里周語云侯衛賓服注云此總言之也

侯侯圻也衛衛圻也言自侯圻至衛圻其間凡五圻五

百里五五二千五百里中國之界也五圻者侯圻之外

曰甸圻甸圻之外曰男圻男圻之外曰采圻采圻之外

曰衛圻周書康誥曰侯甸男邦采衛是也案職方氏之

九服於大司馬爲九畿韋氏注國語畿爲圻古字通也

周禮注云故書又爲近鄭注見書疏云不見要服者周

禮九服經舉其五要服卽蠻服也云遠于役事者大傳

云諸侯率其羣黨各攻位於其庭周公曰示之以力役

且猶至是作洛爲役事不百工播民和見士于周

宜勞民於中國以外也

釋詁云官也播者說文云布也見者天官書以星見爲

效正義曰效見也土者詩傳云事也言百官布列民皆

和悅效事於

周公咸勤

疏

釋詁云咸皆也勤勞也効乃

周謂攻位也

事於周者周公皆勞之

乃

洪大誥治注鄭康成曰洪代言周公代成王誥王若曰

注鄭康成曰總告諸侯

疏鄭注見書疏云洪代者釋詁文爾雅作鴻古字通也云周

公代成王誥者下稱王若曰居攝則稱王然仍是周公之言故又曰朕其弟也

孟侯

注大傳說

天子太子年十八曰孟侯孟侯者於四方諸侯來朝迎

於郊者問其所不知也問之人民之所好惡地上所生

美珍怪異山川之所有無父在時皆知之鄭康成曰依

略說太子十八爲孟侯而呼成王

疏

稱孟侯者古文說謂康叔漢書地理

志云周公封弟康叔號曰孟侯呂夾輔周室注師古曰孟長也言爲諸侯之長依史記言成王在襁褓周公攝政則非年十八不得稱孟侯且迎諸侯於郊故古文以爲稱康叔也大傳說蓋今文也且略說以爲太子之稱

者鄭注云孟迎也太子稱侯者袁宏後漢紀云靈帝皇子辯養於史道人家故號爲史侯皇子協養於董太后宮號爲董侯俱用尙書說稱之也釋詁云侯君也故太子稱孟侯猶云長君也鄭注見書疏鄭雖爲古文學兼用今文說**朕其弟小子封****疏**朕者釋詁云我也封康叔此類是也

同母兄弟十人母曰太姬文王正妃也其長子曰伯邑考次曰武王發次曰管叔鮮次曰周公旦次曰蔡叔度次曰曹叔振鐸次曰成叔武次曰霍叔處次曰康叔封次曰冉季載是康叔爲周公同母弟故曰朕其弟稱小子者猶云小子以下文惟乃不顯考文王克明德慎罰述文王故謂之小子也

注

大傳說子夏曰昔者三王愆然欲錯刑遂罰遂罰乎

心而應之和然後行之然且曰吾意者以不平慮之乎吾意者以不和平之乎如此者三然後行之此之謂慎

罰疏

釋詁云不大也顯光也克者釋言云能也明聲近

之云皆自明也亦謂自勉大傳引作克明俊德楚語申公巫臣曰周書曰明德慎罰文王所以造周也明德務崇之之謂也慎罰務去之之謂也荀子正論篇引經克明明德說之以主道宣明不當以元而難知者使人疑此非經本旨也慎者釋詁云靜也堯典所謂惟刑之謐言文王尚德緩刑也大傳說引子夏之言蓋今文夏侯引前賢之義以解經也鄭注云錯處也遂行也此解慎爲謹慎說文慎謹也古文作𠄎

不敢侮鰥

寡庸庸祗祗威威顯民用肇造我區夏越我一二邦以

修我西土

疏

侮者說文云傷也傷輕也春秋左氏成八年傳韓厥引周書曰不敢侮鰥寡所以明

德也釋訓云庸庸勞也釋詁云祗敬也廣雅釋訓云祗祗畏畏敬也威與畏經典通用春秋左氏宣十五年傳云周書所謂庸庸祗祗者杜注云用可用敬可敬案杜義本古書說則威威當爲畏可畏也顯者釋詁云見也

酒誥云厥命罔顯於民則此顯民言顯於民也言文王
不侮傷鰥寡既勞且敬以見我民肇者釋詁云始也夏
者說文云夏中國之人也區夏者薛綜注東京賦云區
區域也越同粵釋詁云於也修者鄭注中庸云治也西
士謂岐篇言文王始造我區域於中夏於我一二友那
以修治我西土王氏引之以此絕句云猶言修和我有
夏是也徐幹中論法象惟時怙冒聞於上帝帝休疏惟
篇云文王祖畏造區夏惟時怙冒聞於上帝帝休疏惟
怙冒王氏引之云當爲句怙與祐聲相近釋詁云祐厚
也賈子客經云祐大福也目懋勉也君奭云乃惟文王
迪見冒馬本作賜云勉也盤庚懋建相爾懋建大命漢
石經俱作勛惟時怙冒言惟是大懋勉也怙冒與丕冒
同意君奭又云我成文王功于不怠不冒又云惟茲
四人昭武王惟冒皆爲懋勉也周書祭公解云昭王之
之所勛助與冒通傳釋冒爲覆冒失之且斷句不詞王
氏引之云趙岐注孟子論衡初稟篇並引康誥曰冒聞
于上帝疑今文如此讀說文云卯冒也二月萬物冒地
而出是冒有上進之義論衡初稟篇引而說之云言文

王行道上聞於天天乃大命之也則惟時佑上屬言西
土惟是恃也釋詁云佑恃也休者釋言云慶也易繫詞
云積善之家必有餘慶天乃大命文王注大傳說天之命文王非

惇惇然有聲音也文王在位而天下大服施政而物皆

聽令則行禁則止動搖而不逆天之道故曰天乃大命

文王

疏

大傳云云者論衡初稟篇云所謂大命者非天
乃命文王也聖人動作天命之意也與天合同

若天使之矣是今

殪戎殷誕受天命越厥邦厥民惟時

敘

疏

殪者說文云死也古文作殪戎者釋詁云大也春
秋左氏宣六年傳中行桓子引周書曰殪戎殷杜

注云殪盡也康誥言武王以兵伐殷盡滅之中庸云
戎衣鄭云戎兵也衣讀如殷聲之誤也豈戎殷者一用

伐殷也誕者釋詁云大也時者詩傳云善也敘者釋詁
云豫敘也敘亦爲豫言武王承文王之志殲伐大殷大

受天命于其國其民惟善而悅豫也乃寡兄勛詩文王刑于寡妻箋云

書曰乃寡兄勛言殪殷受命承文王之志者是乃寡有之兄武王勉爲之肆汝小子封在茲

東土王曰嗚呼封女念哉今民將在祗適乃文考紹聞

衣德言注馬融曰適述也疏釋詁云肆故今也祗敬也

衣同依學記不學博依依或爲衣言今之人將在敬述文王繼其舊聞依其德言馬注見釋文通述釋詁文

往敷求于殷先哲王用保乂民汝丕遠惟商考成人宅

心知訓注史遷說必求殷之賢人君子長者問其先殷

所以興所以亾而務愛民疏敷者鄭箋詩賁篇云徧也

敷求于先王箋訓敷求爲廣索是其義也釋詁云保安也乂治也惟思也考壽也丕遠猶言不遠宅與度通訓

者釋詁云道也言徧求殷先哲王用安治民之道並求
商之遺老賢人亦不遠汝心度量可以知道矣謂東土
本商邑故告以求商先王善政賢人也史公說見衛世
家云賢人君子謂成人長者謂耆云務愛民謂保乂民
云問其先所以興亡卽別求聞由古先哲王注鄭康成
上所云紹聞依德言也

曰古先哲王虞夏也用康保民

疏別古與辨通周禮小
宰注云故書別作辨

辨又通徧鄉飲酒禮注今文辨皆作徧則別求猶上文
敷求也由者詩箋云於也言旣徧求殷先王保民之道
又徧求古先哲王致民安樂之道疏宏于天若德裕乃身
康樂保安俱釋詁文鄭注見書疏

不廢在王命

注

宏一作宏覆于一作乎

疏

宏者釋詁云
大也若者釋

詁云順也裕者廣雅釋詁云寬也荀子富國篇云康詒
曰宏覆乎天若德裕乃身楊倞注云宏覆如天又順于
德乃所以寬裕汝身言百姓足君孰不足也宋本荀子
裕乃身下有不廢在王庭五字元刻近刻皆脫之案此

則言康樂安保民之君宏大如天而順于德安民卽所以裕身若是則不廢王命矣宏下有覆于作乎見荀子經脫王曰嗚呼小子封惇瘝乃身注鄭康成曰刑罰及

已爲痛病疏

後漢書和帝紀詔曰朕寤寐惇惇矜矜注引尚書曰惇矜乃身惇者釋言云痛也惇者釋

詁云病也言民之痛病如在汝身戒其慎刑罰敬哉天經文瘝當爲矜或爲鰥瘝俗字鄭注見書疏

畏斐忱民情大可見小人難保往盡乃心無康好逸豫

乃其父民注

畏一作威

疏畏與威通斐者說文云輔也

天明威自我民明威釋詁云保康安也豫樂也又治也廣雅釋詁云佚樂也言敬之哉天威之明惟誠是輔驗

之民情大可見矣小民不易安也汝往盡心毋苟安而好佚樂乃治民之道漢書武五子傳云毋桐好逸注張

晏曰桐音同師古曰桐音通輕寃之貌也史記作惇惇先生釋以馳騁弋獵淫康疑用今文書義則康或作惇

聲之轉也畏郭注釋詁引作威忱文選幽通賦云實業
謹而相訓李善注引尚書曰天威棐忱謹與忱古字通

也我聞曰怨不在大亦不在小惠不惠懋不懋疏晉語

國曰周書有之曰怨不在大亦不在小夫君子能勤小

物故無大怨注云或大而不爲怨禍難或起小怨春秋

左氏昭八年傳子旗曰周書曰惠不惠茂不茂康叔所

以服宏大也惠者釋言云順也懋者說文作忝云勉也

釋詁云茂勉也此申小人難保之義言民之怨不在大

亦不在小恆起不意當順擾其不順者懋勉其不勉者

已汝惟小子乃服惟宏王應保殷民亦惟助王宅天命

作新民疏惟服同反說文云治也宏者釋詁云大也乃服

宏大段氏玉裁據以絕句應者韋昭注周語云受也王

氏引之云應保猶云受保士冠禮字辭曰永受保之應

與容承俱聲相近易臨象傳曰容保民無疆容亦受也

洛誥曰承保乃文祖受命民承亦受也宅通作度大學

曰康誥曰作新民言惟王受殷民而安之王方受保殷民汝亦當思助王圖度天命與殷民更始也衛民被紂化日久故戒王曰嗚呼封敬明乃罰

注

嗚呼一作於戲

以作新之

疏

春秋左氏定四年傳云武王之母弟八人

明一作民

叔無官豈尚年哉衛世家云成王長用事舉康叔爲司

完今此告以司寇之事在攝政之時者蓋周公知康叔

仁厚可爲司寇故先教以慎刑後乃命以官也嗚呼潛

夫論述赦篇引作於戲今文俱如是敬明乃罰緇衣引

經明人有小罪非眚**注**非一作匪眚一作省乃惟終自

作不典式爾

注

式一作戒有厥罪小乃不可不殺乃有

大罪非終乃惟眚災

注

眚災一作省哉適爾既道極厥

辜時乃不可殺

疏

潛夫論述赦篇云尚書康誥王曰於戲敬明乃罰人有小罪匪省乃惟終

自作不典敗爾有厥罪小乃不可不殺言恐人有罪雖
小然非以過差爲之也乃欲終身行之故雖小不可不
殺也何則是本頑凶思惡而爲之者也大罪匪終乃惟
眚哉適爾旣道極厥罪時亦不可殺言殺人雖有大罪
非欲以此終身爲惡乃過誤耳是不殺也若此者雖曰
赦之可也金作贖刑赦過宥罪皆謂良人吉士時有過
誤不幸陷離者爾是說此經之義也眚作省者洪範言
省惟歲史記亦作眚典者釋詁云典法常也式者釋言
云用也言其自用有意爲之也潛夫論眚哉當爲眚哉
適者詩傳云過也旣道極厥辜言旣以正道盡其罪又
當原情不可殺之也嗚呼作於戲非作匪王曰嗚呼封
式作戒辜作罪皆潛夫論異字蓋今文也王曰嗚呼封
有敘時乃大明服惟民其勅懋和若有疾懋勅一作力

若一作而

疏

釋詁云順敘也時是也有敘時蒙上文言

服也時字讀當上屬荀子富國篇云誠乎上則下應如

響雖欲無明達得乎哉書曰乃大明服惟民其力懋和

而有疾此之謂也楊倞注云懋勉也言君大明以服下則民勉力爲和調而疾速以明效上之急也經作勅者釋詁云勤也又云速疾也若如而惟民其畢棄咎若保俱聲相近經作若亦順也見釋言

赤子注

若一作如惟民其康乂

疏

畢者釋詁云盡也棄者說文云捐也咎者

廣雅釋詁云惡也康乂者釋詁云康安也乂治也大學篇引康誥曰如保赤子若如聲之轉王氏鳴盛云孟子引若保赤子釋之云赤子匍匐將入井非赤子之罪也注云以赤子無知故救之此言用刑則謂保民如保赤子毋令無知陷于罪如入井也非汝封刑人殺人無或刑人殺人非汝

封又曰劓刑人無或劓刑人

注

鄭康成曰劓臣從君坐

之刑疏

刑人之刑說文作刑云到也字與刑不同劓說文作劓云刑鼻也或作劓刑者說文云斷耳也

言刑殺皆由天討非汝所得專母或擅刑殺人又告之以雖輕刑如劓刑母或專之鄭注見書疏云臣從君坐

之刑者春秋左氏僖二十八年傳衛侯與元咺訟鍼莊
子爲坐衛侯不勝別鍼莊子是臣從君坐之刑但彼用
別鄭以解則未詳也古者刑不上大夫春秋時淫刑似
未可爲經証鄭氏律學據漢法故以沒官從坐解經非
三代仁厚之王曰外事汝陳時臬司師茲殷罰有倫疏
政學者審之王曰外事汝陳時臬司師茲殷罰有倫疏
外事江氏聲云聽獄之事也聽獄在外朝故云外事周
禮朝事掌建邦外朝之法左九棘孤卿大夫位焉羣士
在其後右九棘公侯伯子男位焉羣吏在其後面三槐
三公位焉州長眾庶在其後左嘉石平罷民焉右肺石
達窮民焉鄭注地官臬人云外朝司寇聽獄蔽訟之朝
也臬者廣雅釋詁云法也師者釋詁云眾也倫同倫說
文云理也殷罰者荀子正名篇云後王之成名刑名從
商爵名從周注云後之王者有數定成就之名謂舊名
可法效者商之刑法未聞康誥曰殷罰有倫是言殷刑
之允當也則此言外朝聽獄之事汝陳列是法以司察
其眾此商家刑罰又曰要囚服念五六日至子旬時不
有倫理可從也

蔽要囚疏

又曰書疏引顧氏云周公重言之也。要者要

要之爲其罪法之要解服同伏易繫詞釋文引孟京云
伏服也旬十日時一時謂三月也丕者釋詁云大也蓋
者鄭注周禮云斷也春秋左氏昭十年傳云叔魚蔽罪
邢侯至于旬時者周禮小司寇云以五刑聽萬民之獄
訟附于刑用情訊之至于旬乃蔽之鄉士云辨其獄訟
異其死刑之罪而要之旬而職聽于朝遂士二旬而職
聽于朝縣士三旬而職聽于朝皆司寇聽之方士三月
而上獄訟于國司寇聽其成于朝言斷獄者據囚要解
以論罪恐不詳慎而誤入人于刑當伏而思念五六日
或十日甚至三月乃大斷之爲求其生可以出之且恐囚
虛承其罪容其自反覆也死者不可復生斷者王曰汝
不可復續三木之下何求不得故君子盡心焉

陳時臬事罰蔽殷彝用其義刑義殺勿庸以次汝封乃

汝盡遜曰時敘惟曰未有遜事注次一作卽遜事一作

順事

疏

荀子宥坐篇云孔子曰書曰義刑義殺勿庸以

予作汝楊氏注云言周公命康叔使以義刑義殺勿用

以就汝之心不使任其喜怒也惟刑殺義猶自謂未有

使人可順守之事故有抵犯者自責其教之不至也案

釋詁云時是也彛法常也義者中庸云宜也詩傳云庸

用也卽就也詩箋云遜順也時善也釋詁云敘緒也惟

思也言汝旣陳是臬事罰斷用殷法矣當用其刑殺之

合義者勿用以就汝之意乃汝盡其順道言當以善敘

之又自思曰未有順事以先教民也下車泣罪得情勿

喜古人責躬不以罪當其罰而惡于民也經文次荀子

爲卽者卽次聲之緩急義皆得爲就也次汝封猶言恣

汝封謂順如其心鄭注堯典柔遠能邇云能恣也高誘

注呂氏春秋云恣從也鄭箋詩柔遠能邇云能猶仰也

又云順仰則此言順如其心也下文已汝惟小子未其

云未其有若汝封之心若亦順也

有若汝封之心朕心朕德惟乃知

疏

若者釋言云順也

若汝惟文考之少

子用茲義刑義殺勿以順汝之心我心我德亦惟汝知之凡民自得罪寇攘姦宄殺越人于貨散不畏死罔弗慝注散一作閔弗慝一作不

讞疏

荀子君子篇云刑罰綦省而威行如流治世曉然

莫不服罪而請書曰凡人自得罪此之謂也注云入之自得其罪不敢隱也孟子萬章篇云康誥曰殺越人於貨閔不畏死凡民罔不讞是不待教而誅者也趙注云越于者於也殺於人取於貨閔然不知畏死者讞殺也凡民無不得殺之者也若此之惡不待君之教命遭人得討之案散者說文云冒也周書曰散不畏死慝者說文云怨也周書曰凡民罔不慝言民有自懼于罪者寇賊攘奪內爲姦外爲宄殺于人取于貨強冒不畏死無不怨之者當順民怨以行罰則罪人亦自服其罪也孟子散作閔者聲相近慝作讞讞非古字云殺未詳也趙氏注云遭人得討之若王曰封元惡大慝矧惟不孝不

今律登時殺死勿論矣

王曰封元惡大慝矧惟不孝不

友子弗祗服厥父事大傷厥考心于父不能字厥子乃疾厥子于弟弗念天顯乃弗克恭厥兄兄亦不念鞠子哀大不友于弟惟弔茲不于我政人得罪天惟與我民

彝大泯亂曰乃其速由

疏

元者釋詁云首也謂惡人之

說文作𠂔云詞也衿者釋詁云敬也服同良說文云治也字者愛也疾與譏同義廣雅釋詁云憎譏也顯者釋詁云代也天顯謂兄于天倫有代父之道釋詁云恭敬也鞠生也弔者鄭注費誓云善也泯說文作泯周禮小宗伯注云杜子春讀爲泯釋詁云盡也詩傳云滅也速者釋言云徵也徵義同召由同說廣雅釋詁云舉也言此首惡爲民大怨者其惟不孝不友之人父子兄弟不相和睦不可謂之同惡惟其中有善者此不當爲我政人所連坐政人爲政之人卽下文惟厥正人春秋左氏傳三十三年傳晉曰季引康誥曰父子兄弟罪不相及

又昭二十年傳後漢書肅宗本紀元和元年詔潛夫論
論榮篇俱引經文同曰季卽用此義罪不相及卽不于
我政人得罪也或以爲書之佚句失之天惟與我民彝
大泯亂曰乃其速由者言此父子兄弟不睦之人滅亂
天常乃其自名罪就不可芻及親屬酒誥曰惟民自速
辜多方云乃惟爾自速辜語意正同或以乃其速由下
屬文王作罰爲句案之文王作罰刑茲無赦疏後漢書
後漢書王符傳不然也文王作罰刑茲無赦疏王符傳
云夫養稂莠者傷禾稼惠姦軌者賊良民書曰文王作
罰刑茲無赦風俗通皇霸篇潛夫論述赦篇引同後漢
書則卽乃其速由不相屬也

不率大戛矧惟外庶子訓人莊鄭康成

曰訓人師長惟厥正人越小臣諸節乃別播敷造莊歐

陽說造爲造獄民大譽弗念弗庸瘝厥君時乃引惡惟

朕憖疏

率者釋詁云循也戛者釋詁云常也張者說文
云詞也外庶子燕義云古者周天子之官有庶

子官職諸侯卿大夫士之庶子之卒掌其戒令與其教
治鄭氏注周禮敘官云諸子主公卿大夫士之子者或
日庶子是也訓人者若天官太宰師以賢得民儒以道
得民注云師諸侯師氏儒諸侯保氏是也正人者釋詁
云正長也卽上文政人小臣諸節謂小臣之受符節者
播者說文云布也敷者說文云散也瘰當爲鰥釋詁云
病也言不循用常法其惟在外之庶子及師長不能行
其教令致使長民之官與小臣之受節治民者乃別布
施造獄之條于民有大譽之人弗冒念而用之於病其
君之人是引爲同惡惟我其怨之鄭注見書疏歐陽說
見漢書王尊傳尊曰律無妻母之法聖人所不忍書此
經所謂造獄者也注晉灼曰歐陽尚書有此造獄事也
爲傳播以陷有各之人同惡相引是可誅也歐陽造獄
別無可附疑今文已汝乃其速由茲義率殺疏已同客
說此條之義也
此諸臣爲汝名誅當
循其義刑誅罰之
亦惟君惟長不能厥家人越厥小

臣外正惟威惟虐大放王命乃非德用又

疏

能者漢書注師古曰

善也言又惟國君及長民者有不以善化導其家人者于其小臣外正惟爲威虐于民放棄王命乃非德教可治

汝亦罔不克敬典乃由裕民惟文王之敬忌乃裕民

注鄭康成曰敬忌祗祗威威是也曰我惟有及則予一

人以懌

注一無予字懌作擇

疏

釋詁云典法常也由裕者由同猷廣雅釋詁云

猷順也裕容也惟者釋言云思也敬忌者謂上明德敬也慎罰忌也釋詁云則法也懌樂也詩傳云懌悅也荀子君道篇曰明主急得其人得其人則身佚而國治功大而名美故君人者勞于索之而休于使之書曰惟文王之敬忌一人以擇此之謂也案荀子以爲用賢之義則所謂敬忌者謂祗祗威威用賢謂庸庸也懌非古字段氏玉裁云擇卽懌也上文所謂身佚而國治也敬忌上文所謂急得其人也此秦以前古文書說說苑君道

篇孔子曰大哉文王之道敬慎恭己而虞芮自平故書曰文王之敬忌此之謂也又說爲虞芮自平則正謂平獄之事但以敬慎恭己化導之此與荀子異者今文說也言當思文王之敬忌以容民曰我思及之而法則之也經云云者言汝亦無不能敬法乃以道導民思文王之敬德忌刑乃道民曰我思逮及法則文王天子當悅懌汝矣詩板釋文云釋本作懌又靜女釋文云說懌當作說釋則懌非古字與擇音相近亦可通故荀子爲懌也鄭注王曰封爽惟民迪吉康注鄭康成曰迪下讀我見書疏

時其惟殷先哲王德用康乂民作求矧今民罔迪不通

不迪則罔政在厥邦

疏

爽者大誥爽邦由哲漢書翟義傳以爽爲勉爽爲明明亦勉也

見前疏惟者思也迪者釋詁云道也吉者詩傳云善也康者釋詁云安也時者釋詁云是也哲者釋言云智也父者釋詁云治也作者釋言云爲也求者詩箋云終也矧者釋詁云況也適者廣雅釋言云善也在者釋詁云

存也言汝勉思道民于善以安之我定以思殷先哲王之德以安治民爲終成殷先王之迹況今民無道之者則不能向善不有以道民則無王曰封子惟不可不監政以存其國矣鄭注見書疏

告汝德之說于罰之行今惟民不靜未戾厥心迪屢未

同爽惟天其罰殛我我其不怨惟厥罪無在大亦無在

多矧曰其尚顯聞于天

疏

釋詁曰監視也戾止也屢者

也爽者說文云明明亦勉也見上疏惟者釋詁云思也亟者釋言云誅也尚者鄭氏書贊云上也又告之曰我思不可不視法文王故告汝以明德之說慎罰之行今惟殷民不安靜未定止其心道之以道屢未和同勉思天其罰誅我我其不敢怨天怨民祇自思惟其罪罪無在大亦無在多不可不責躬也況曰其上能明達于天乎王曰嗚呼封敬哉無作怨勿用非謀非彝蔽時忱不

則敏德用康乃心顧乃德遠乃猷裕乃以民寧不汝瑕

殄疏

敏者文選辨命論引鄭注論語云塞也忱者說文

云誠也敏德周禮師氏職以三德教國子二曰敏德以爲行本注云敏德仁順時者也猷裕者方言云道也瑕者詩傳云遠也殄者釋詁云絕也言汝其敬之哉無作怨於民勿用非道之謀非典之法以蔽是誠心則法敏德以安汝心顧省汝謀遠慮乃道乃以安民則國祥不以汝世遠而殄絕也言當世享僞傳以猷字絕句裕字下屬則不詞矣上文云乃猷裕民君奭云告君乃猷王曰嗚呼肆汝小子封惟命不于常

疏

大學篇引康誥曰惟命不

于常說之云道善則得之不善則失之矣春秋左氏成十六年傳范文子引周書說之曰有德之謂襄二十三年傳君子謂慶氏不義

汝念哉無我殄享明乃服命高

乃聽用康又民

疏

享者說文云獻也凡封諸侯必命之祭其封內之山川社稷所謂命祀春

狄左氏僖二十一年傳衛遷于帝邱成公夢康叔曰相
奪予享公命祀相甯武子曰不可以間成王周公之命
祀服命謂服七章之服命七命也周禮典命云侯伯七
命其國家宮室車旗衣服禮儀皆以七爲節又大行人
職云諸侯之禮冕服七章高乃聽者廣雅釋王若曰往
詒云高敬也言敬聽我訓則安治民之道也
哉封勿替敬典聽朕詒汝乃以殷民世享疏釋詒云替
言往就國勿替其敬常聽我詒則汝用是殷民世享其
罔矣典字下屬爲句酒詒典聽朕教又云汝典聽朕志
正與此同詒今作
告從唐石經作詒